

Broj: 05-3051-15/20
Sarajevo, 02.10.2020. godine

Na osnovu člana 23. stav (1) tačka d) Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav 1) tačka j) Statuta Agencije za bankarstvo Federacije BiH („Službene novine Federacije BiH“, broj: 3/18), člana 64. stav (1) tačka b), člana 70. stavovi (1), (3), (4) i (6) Zakona o javnim nabavkama („Službeni glasnik BiH“, broj: 39/14) i člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14), a na osnovu preporuka Komisije za javne nabavke iz Zapisnika o ponovnom pregledu i ocjeni ponuda broj: 05-3051-14/20 (Lot 2), od 02.10.2020. godine, direktor Agencije za bankarstvo Federacije BiH donosi

ODLUKU **o izboru najpovoljnijeg ponuđača – Lot 2 u postupku javne nabavke usluga**

Član 1.

Prihvataju se preporuke Komisije za provođenje postupka javne nabavke usluga internet provajdera (ISP) za potrebe Agencije za bankarstvo Federacije BiH (zapisnik broj: 05-3051-14/20-Lot 2, od 02.10.2020. godine) i ugovor za predmetnu nabavku u dijelu postupka koji se odnosi na Lot 2 dodjeljuje se privrednom subjektu „Mtel“ a.d. Banja Luka.

Član 2.

Ukupna vrijednost ugovora za Lot 2 iz tačke I. ove odluke za period od jedne godine iznosi 3.996,00 KM, bez poreza na dodanu vrijednost (PDV).

Član 3.

Ova Odluka bit će objavljena na internetskoj stranici Agencije www.fba.ba, istovremeno sa upućivanjem iste ponuđačima koji su sudjelovali u predmetnom postupku javne nabavke, u skladu s odredbom člana 70. stav (6) Zakona o javnim nabavkama.

Član 4.

Za realizaciju ove odluke zadužuje se Odjel za opće i kadrovske poslove pri Sektoru zajedničkih funkcija.

Član 5.

Ova odluka stupa na snagu danom donošenja.

O b r a z l o ž e n j e

U skladu s Rješenjem ugovornog organa (rješenje broj: 05-3051-1/20 od 22.07.2020. godine) imenovana je Komisija za provođenje postupka javne nabavke usluga internet provajdera (ISP), kojom su definisane njene nadležnosti, te davanje preporuke za odabir najpovoljnije ponude. Slijedom navedenog, komisija je u okviru svojih nadležnosti i ovlaštenja provela ponovni pregled predmetnog postupka nabavke, te o tome sačinila Zapisnik o ponovnom pregledu i ocjeni ponuda za Lot 2 (broj: 05-3051-14/20 od 02.10.2020.godine).

Komisija je dana 02.10.2020. godine pristupila ponovnom pregledu i ocjeni pristiglih ponuda za Lot 2, u pogledu ispunjavanja zadanih kvalifikacijskih uslova, te u procesu evaluacije istih evidentirala da ponuda ponuđača „TEAM CONSULTING“ d.o.o. Sarajevo ispunjava zadane uslove u pogledu opisa

predmeta nabavke i tehničke specifikacije, dok ista ne ispunjava zadane uslove u načinu dostave ponude. Konstatovano je da ponuda ponuđača „Mtel“ a.d. Banja Luka ispunjava zahtjeve u pogledu opisa predmeta nabavke i tehničke specifikacije. U skladu s članom 64. stav (1) tačka b) Zakona o javnim nabavkama, ugovorni organ odabrao je kriterij najniže cijene tehnički zadovoljavajuće ponude. Analizom dostavljene ponude, komisija je ustanovila da ponuda ponuđača „Mtel“ a.d. Banja Luka, ispunjava sve uslove i zahtjeve navedene u tenderskoj dokumentaciji, te je ista ocijenjena kao prihvatljiva za ugovorni organ.

Uvažavajući sve navedeno, primjenom člana 64. stav (1) tačka b), člana 70. stavovi (1), (3), (4) i (6) Zakona o javnim nabavkama i člana 8. stav (2) tačka d) Pravilnika o uspostavljanju i radu Komisije za javne nabavke, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 5 (pet) dana od dana prijema ove odluke, saglasno članovima 97. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.



Dostaviti:

1. Ponuđačima u postupku
2. Sektoru zajedničkih funkcija
3. a.a.



Zmaja od Bosne 47b,
71000 Sarajevo,
Bosna i Hercegovina



T ++ 387 (33) 72 14 00
F ++ 387 (33) 66 88 11



E agencija@fba.ba
W www.fba.ba

